



新坂土風



民國三十一年元旦奉貽

啓明先生鑒存

國楨



新販土扇

炎緒壬辰八月漢
昌羊氏梓元桂林

新坂土風序

海[寧]古鹽官縣又稱海昌吳志陸遜傳載遜爲海昌屯田都尉領縣事是也其地邊臨大海有魚鹽之饒稻蟹之富菱芡之美而文堂峽石黃灣石墩皆號名勝蘇文忠嘗賦鹽官絕句四首自宋南渡以至於今地益蕃庶人材輩出類能崇尚風雅此陳子仲魚新坂土風之所爲作也曩余游楚阻風江干感懷鄉土嘗於舟中得梁溪竹枝詞三十首又梁溪遺事三十首今仲魚之詩既工而又多於余庶幾其鄉先進朱檢討鴛鴦湖權歌之遺然檢討所詠爲嘉禾一郡之事而仲魚取材僅在鹽官一邑且多出於志乘記載之外以徵故實以備風謠尤不可少也是爲序嘉慶丁巳仲秋之月無錫秦瀛

新坂土風序

跋

乙酉春

復禮

侍南皮張尙書師於兩粵幕府簿書之暇

摻掇仲魚先生遺文遺詩爲跋語梓行之嘗以先生遺書未獲盡見爲憾新坂土風百首僅輯二十八字竊疑先生之詩皆作廣陵散矣然猶冀網羅散失俾佚而復存洎戊子秋改官桂林己丑冬奉檄攝守鎮安山深水阻瘴癘侵人百憂叢集無復置念今年春自鎮郡返桂林適許壬伯廣文仁杰以朱苓年明經昌燕所藏新坂土風抄本介仲子汝達自吳門郵寄譚爲附刊先生集後以徵鄉邦故實復禮得之鯁鯁自喜竊謂珠光劍氣

新坂土風

跋

一

隱而必曜斯言誠匪謬也因續付剞劂以廣流傳吾鄉儒林以顧氏越爲最先所居新坂黃岡世有鄉校由是顧氏多儒學先生居垵上樸樹灣晚築精舍於紫薇山麓距黃岡不一二十里是里居與顧氏爲近先生美鬚髯聲若洪鐘與南史顧氏傳所紀適相同先生博文強識精許鄭之學工詩古文詞與顧氏徧該經藝深明毛詩異義兼工綴文上下千數百年又若合符節故名其文曰綴文並以是名其詩蓋先生仰契宗指尙友前賢緬懷先德誦述清芬低徊俯仰嘗於詩中三致意焉其振興儒學之功與顧氏有同軌矣豈區區土風足備轄

軒之採已哉至是書取材一邑多出於志乘紀傳之外
先生自序與秦先生序言之詳矣茲不贅云光緒十有
八年歲次元默執徐重九日羊復禮謹跋於桂林寓齋

新坂土風

海昌陳 鱣仲魚箸

戊戌夏初自西湖歸東海偶拾鄉邦遺事或別出記傳或散在閭閻雅俗雜陳得詩百首命曰新坂土風聊附巖門諸家之後下里歌辭更無當輶軒采擇也
清海亭邊瑞氣呈水雲窩裏早潮生阿儂載酒頻來往
歎乃聲中譜太平

清海亭舊址在鹹塘爲春秋教閱之所宋紹定中邑令楊天麟建見咸臨安志水雲窩在城東卽張思賢宅與海甚近滄海寒潮爲海昌八景之一亦其地

新坂土風

也見蘇平雪溪漁唱

昔賢游覽記揮毫古邑居民半海濤此日金隄長鞏固
聖恩直並禹功高

東坡集有鹽官絕句四首古邑居民半海濤南寺千佛閣詩也按鹽官隄海之役唐以前無考開元元年重築捍海塘隄天祐四年吳越國築捍海石塘宋元以來隨修隨廢故多海患恭遇

盛朝軫念民命不惜帑金長隄之固萬世無疆矣

煌煌

天語世傳清宗黨長敦孝友情豈但名園承

寵錫卽今閭里亦增榮

鹽官誰最名陳氏世傳清詎以簪纓赫惟敦孝友情
御製駐陳氏安瀾園卽事雜詠也園在城西北隅係家
太常隅陽所構舊名隅園復爲家相國文簡別業更
名遂初乾隆二十七年

賜今名

城南城北盡繁華未減當年朱十誇醉月樓頭堪貰酒
桂花廳上好團茶

朱太史竹垞送楊以齋還里詩人家戶戶通舟楫藥
艸村村盡畫圖醉月樓在富家橋畔桂花廳在州治

新坂土風

二

前

春色長留海宇清滿城却少杜鵑聲卽看細柳村村綠
知是當時第幾營

黃徵士梨洲道遊堂小集詩烏無杜宇春長住自注
杜宇聲爲春去了海昌無此烏按道遊堂在大來橋
朱司李岷左故宅元時邑中尙屯兵青邱送李使君
鎮海昌詩笑騎猶屯廣利營今行春橋西有第八營
如舟學舍打頭低記取桃符莫亂題爲愛夏涼看月好
移家須住泮池西

潘廣文戒平工書司訓吾邑題其學舍日如舟癸辛

雜志載鹽官縣學教諭黃謙之永嘉人甲午歲題桃符云宜入新年怎生呵百事大吉那般者爲人告之遂罷去祝聖美筆記海昌泮宮前無蚊朱孝廉近修嘗家學西柱聯云聖門外去無多路泮水西來第一家

城隍廟上禱何處女伴還來結善緣夢裏分明徵往事小蓮那得喜兒憐

每歲正月初六日士女集城隍廟香火最盛謂之頭六佛會元紫虛觀李道士夢於本觀所奉岳祠前見有吏卒押男女各一併持公文來曰嘉興路城隍司

新坂土風

三

淮海宜州城隍司牒爲陸小蓮告至正八年內溺水事今發陳喜兒應偉前去勒要應才同解岳祠周府君取問又詢來使之詳答曰陸小蓮者嘉興百福坊人而應才之婢也爲其妻楊妒逐之遂赴水死陳喜兒者才之母也時居海宜偉字之奇才之弟也時居嘉興城東謂彼時不能救護故連逮耳詳輟耕錄蕭寺平林隔短墻誰知佛法有炎涼年年北寺人如螳西去曾無一瓣香

安國寺俗名北寺每歲六月二十九日香市最盛延恩寺俗名西寺與安國相連諺云北寺燒香西寺乘

涼

三橋兩寺半千僧曲徑閒遊興可乘
共道祇園花木異
娑羅一樹影層層

安化橋跨放生池與泊兔大來三橋相望說者謂三
橋兩寺半千僧安國寺藏經閣下有娑羅樹一株乃
西域種李北海娑羅樹碑卽此樹見家太守香泉草
木異名記今大悲閣前左簷下又有一株寺僧云從
藏經閣分種

荷花池水引風涼花鴨雙雙戲夕陽
欲向海城尋舊詠
更無人與話蓮堂

新坂土風

四

杭太史董浦海城絕句云荷花荷葉綠披披亂水奔
流赴古隄貪看一雙花鴨戲斜陽影裏立多時自注
鬪富巷東有荷花池居人卽名其地蓮堂詩話二卷
宋海昌祝誠輯見讀書敏求記

女牆官柳對花街聚秀橋邊景更佳
却被草窗添畫景
春風吹滿著書齋

聚秀橋在宓家灣對水門周明府松靄著書齋在焉
同邑蔣明經夔師爲著作書齋圖海鹽張明經芑堂
以飛白題其額

橫塘唱罷采菱歌遊女還教此地過
一種風流消不得

臙脂涇畔落花多

橫塘在城北卽舊郡志所稱小塘臙脂涇在止谿南
相傳范蠡載西子泛舟處

古驛垂楊送客勞蠡塘春水湧吳艚郎行莫上吳江塔
欲望家鄉總不高

長安驛在邑西北元薩天錫有宿長安驛詩范蠡塘
在縣西相傳吳江城南方塔其巔與吾邑長安壩相
等窪隆迥別如此故吳易潦杭易涸見查浦輯聞諺
云坍了長安壩沒了吳江塔

粟轉千艘壓綠波萬家烟火傍長河却緣米市人爭利

新坂土風

五

魚蟹從今不覺多

陸放翁入蜀記長河堰亦小市也魚蟹甚富按長河
堰卽今長安鎮人烟稠密百貨俱集而米市尤爲數
省之通津

遠寺鐘聲喚夢殘阿郎渡口曉風寒願郎且自長安住
莫漫將儂常緩看

長安曉鐘爲海昌八景之一蓋指覺王寺鐘聲也阿
郎渡在長安鎮北三里常緩廟在許村

落魄閒行不自聊推蓬何處聽吹簫梅花風帽臨平路
記過鹽官第一橋

先處士鞠澗公過臨平詩梅子著花霜壓岸自披風
帽過臨平鹽官第一橋在臨平之東與仁和縣接壤
春水平於鏡面指溪頭蕩槳盡漁娃自憐雙足渾如雪
不倩才郎詠繡鞋

郭溪春水海昌八景之一小網船始集朱橋今溪上
尤多漁婦最誇豔一時蘇雪溪少時有咏繡鞋詩人
呼爲蘇繡鞋蘇亦溪上人故郭溪又名蘇溪

淡塘水驛正迢迢妾夢關心柳萬條爲道郎舟休背緯
最嫌九里十三橋

淡塘卽袁花塘宣邑諸水道橋梁甚多篙師有歌云

新坂土風

六

九里十三橋背緯不如搖

一水泮江接洛塘世家應數許睢陽南來更有中丞後
七里松間半海張

泮江塘河在邑西北按泮字彙補云音義未詳談蒼
硯神曰泮妃今讀若辛洛塘河亦泮江之支流許氏
多家焉世家亭在其上七里松在邑東因去城七里
故名張氏聚族而居世稱半海張

鼓權迴塘訪舊居海棠仍帶晚霞舒園中不使長懸榻
堂下何妨給掃除

迴塘卽轉塘家簡齋閑園別業在焉中有海棠一樹

大可竟畝吳梅村顏其樓曰天香國色之樓陸辛齋
集云閑園主人以書招余及二晦曰德操元直相敘
一堂使妻子得奔走堂下豈不深快
新豐美酒勸郎嘗休與傍人量短長見說鳳凰橋畔路
飛來都是野鴛鴦

新豐橋在麻涇村中造酒以上者爲短水下者爲長
水鳳凰橋在泮江其地亦名鳳凰里

紫硤東西接翠微南湖新水沒魚磯池亭舊詠看誰好
惟有西村老布衣

南湖在硤石白樂天嘗登硤石望硤石湖卽此宋圖

新坂土風

七

經作劉禹錫誤湖上有酒樸園爲沈天用舊隱朱西
村集有三月三日讌沈紫硤池亭等作又有諸公袞
袞登臺省集句一首亦西村作許志更誤爲沈西村
老布衣許台仲語詳海鹽圖經

願郎相對紫薇來花外啼鳥莫漫催走馬還尋磨劍石
題詩須上讀書臺

硤石東山有錢武肅王走馬塘磨劍石故跡又有石
稍平者爲隨州讀書臺劉曾攝令於鹽也並見朱岷
左東山記按磨劍石許志云相傳秦王淬劍於此鏐
痕猶存與朱記不同

野塘秋水劍光浮猶有吳孃解蕩舟料得春帆吟賞處
水清玉潤最風流

陸處士冰修別字辛齋家洛塘冰修談劍術甚奇詳
王漁洋池北偶談又漁洋送冰修竹枝云吳山的的
如迎客吳女摻摻解蕩舟查夏重陸之女夫也嘗自
京師扶持冰修南歸名其集曰春帆

茶湖買醉竹湖眠紅葉蘆花兩岸邊何事慣來驚客夢
小鑼聲在夜航船

茶湖在硤石湖之南竹浦湖今廢按咸淳志在縣東
北六十里當與茶湖相近凡村中航船開時必鳴小

新坂土風

八

鑼以招來者

一舸鴟夷盪碧波最憐兒女別情多縱然解纜童兒塔
須早抽帆女廟過

童兒塔在淨居院朱竹垞詩解纜童兒塔抽帆長水
塘女兒廟在硤石南廟前有漾甚大俗稱女廟漾

湖塘村落半蕭條陸道墳前好繫橈別有嘉名須賞識
金雞墩望野雞橋

湖塘里爲朱氏故居文公之孫百五公墓今稱陸道
墳其南有金雞墩相傳爲楚狂接輿墓至今不敢有
樵採者按陸道墳或是陸通墳之誤亦未可定然縣

志及朱氏宗譜俱云道士陸姓守墓故名則竟屬朱墓矣野雞橋在其西

薤露松風一曲哀招魂應向紫雲回兒家生小桃源里親到尙書墓上來

元貢尙書玩齋墓在湖塘北門人朱質夫後裔尙奉其祀嘉興府志及海鹽續圖經稱貢墓在紫雲山下皆不足據女史朱靜庵有遊貢尙書墓長誦

東野傳經歲月深杏壇花裡試重尋因思翠晚留題處長與高人共醉吟

東野草堂在湖塘里爲貢玩齋寓所一經堂朱肅齋

新坂土風

九

建吾師耐園猶世守之翠晚齋在堂之西偏舅氏華圃讀書處齋額係先祖所題

夾岸桃花接釣灣閒過涇墅叩元關幾時挈伴還借隱三顧橋西十畝間

涇野觀在湖塘里東俗名三官墩池中產綠毛龜無尾螺三顧橋謂南顧中顧北顧自宋以前顧氏多家於此故名十畝間爲朱氏園中有樂餘草堂舅祖時修所居

天仙塘上泛仙槎王道橋邊又日斜拍掌愛吟歸客句米棚豚柵見袁花

天仙府塘在袁花鎮東王道橋北達嘉興按王本讀
兩方反與黃不同癸辛雜志云浙之東言語黃王不
辨自昔而然今土音頗合米棚豚柵見袁花家伯父
改之自山左歸至袁花道中口號句也米棚下小豬
巷俱市中地名

嘉會堂開翠竹灣曾聞公主載舟還牽蘿補屋誰邊好
只在金牛金粟間

元董處侯鎮之父仲溫尙宋室公主爲駙馬後鎮自
海鹽徙錢山作嘉會堂於甯泉右曾孫灃更卽其地
稍葺之顏曰蘿補堂至今稱夾山董氏山介金牛金

新坂土風

十

粟間故名俗誤讀蘿補又有董蘿蔔之目

墓田何自指樊遲山上誰教誤食其古跡自來多附會
蛇神牛鬼更無奇

錢山頂有一阜俗稱樊遲墓石棋山卽審墳山相傳
上有審食其墳土人誤讀食其本音遂稱石棋硤石
南有蛇坟皇岡東有牛墳按牛坟卽朱愛谷墓朱字
誤爲牛今其地俗呼牛坟灣

姊妹生來愛插花葫蘆館裏是儂家問郎阿堵終何用
却向人前活碧誇

花山一名插花山馬上舍寒中所居有十姊妹花齋

小壺蘆山書屋朱竹垞過此觀新莽錢範嘗云詩家
所謂活碧庶幾近之有跋載集中

枕濤莊裡滿塵埃翠薄山成蔓草堆賴是東風吹未盡
牡丹猶傍舊居開

枕濤莊在袁花南爲許氏故居翠薄山卽黃山之支
多前輩吟賞之所葆光居在袁花東南祝孝廉月隱
著書處牡丹甲於天下前邑令李公過此甚奇之謂
洛中絕無此也見先從祖乾初公春賞咏序

萬卷常開萬古樓朱衣高插一峯浮勸郎肄業休嫌命
但願朱衣更點頭

新坂土風

十一

朱衣峯在審坟山又稱萬笏朝天萬古樓在袁花東
祝槐門名世喬日勤咕畢屢試不偶題一聯於書案
云越讀越不中槐門其如命何越不中越讀命其如
槐門何嘉靖甲子果薦賢書時年四十九至隆慶戊
辰成進士仕潯州知府見竹牕解頤錄

郎住黃山儂白山雲深又隔幾重灣生憎山上龍腰斷
不見乘龍快婿還

白山在龍尾山後敬業堂詩集注龍尾山龍腰俗傳
秦始皇所鑿巖門古鹽官曲因之按談氏外志相傳
劉誠意鑿斷誠意未嘗輕用民力當在湯信國巡海

時俗說不足據

池亭秋晚聽鳴鴻
絲竹東山憶謝公
莫問巫些詞舞地
縹雲零落斷烟中

查孝廉東山嘗著鳴鴻度傳奇女樂十二人一日巫些敬修堂詩集所云我有巫些衝凍去楚峯多半是君留縹雲英石峯名事詳觚牘後爲觀察王望移置武原百可園中今已屬顧氏

比肩舊里說遺聞
荀令橋南咏夕曛
祇願家山成妙果
誰知山路又中分

查醉白繼婦陸善詩燕婉唱酬相得益歡陸亡查哀

新坂土風

三

痛咯血爲悼亡詩百首多酬陸韻悵悵若有失踰年竟死見今世說妙果山卽袁花小山中分山在包家山北以分屬宜鹽兩邑故名

橫漲橋邊放鴨闌
鷓鴣浦上把魚竿
笠簷只恐霜寒重
緇布須裁小樣冠

橫漲橋在袁花西南查太史他山所居鷓鴣浦卽黃道湖去袁花十里他山平生好著緇布小冠人爭效之

水色山光繞坐隅
花開滿樹喚提壺
里中時有千齡會
堂上家懸五岳圖

祝眉老嘗結千齡社後許時菴集同人爲四老會祝
方壺集同人爲龍山齒會皆仿千齡遺意也又邑人
取查東山書畫及他山詩聲山字朱北山畫祝兼山
印合成大幅謂之五岳圖當時京師中口號云海室
三絕寶堪誇朱畫查詩字又查見朱氏宗譜

梓樹橋邊梓樹堂清流吹送野花香阿誰簷下誇肥白
絳帳春風幾斷腸

梓樹橋在袁花西查學士查浦晚年築室於此因名
其堂曰梓樹查浦嘗悅一肥婢見馬寒中詩集自注
挂帆早發試茶亭石漾東來水漲萍更上層樓閑眺望

新坂土風

三

悠然九十九峯青

試茶亭去袁花西五里石漾在袁花西南查宮詹聲
山舊居文孫戶部禾堂更闢別業於辛酉橋有悠然
見南山閣看山最勝

龍山遙接鳳凰山妝閣千家擁翠鬟意方憐雲動港
郎行已過緯兜灣

鳳凰山去龍山東十餘里雲動港卽運塘港緯兜灣
在港之北

桑麻舊里指東陳滿港晴波轉綠蘋却笑居民祠宰
千秋還與越王鄰

東陳村在運塘港之北胡虛白有紀遊詩村中有東陳廟土穀神相傳爲太宰詒其南有越王廟相距不數里

黃岡不見舊時營簫鼓紛紛會太平記取六朝鄉校在倚牆好聽讀書聲

青邱詩落日黃岡處處營舊註引杭州府志黃山黃陀山皆在海_寧縣治東誤俗於二月八日士女齊集太平廣福寺中謂之太平會按道書是日祠山張大帝誕辰今寺左有張大帝廟俗故因之南史顧越所居新坂黃岡世有鄉校又顧歡鄉中有學舍歡壁後

新坂土風

古

倚聽無遺忘者新坂陳書作新坡黃岡唐張果毅墓碑作皇堽

荒烟白鹵積亭場竈戶家家下海忙東漲西灘究何意焚香須問捍沙王

宋史食貨志凡鬻鹽之地曰亭場民曰亭戶或謂之竈戶英濟侯廟俗稱捍沙大王沿海多祀之

一片輕帆挂遠流河莊山接海門秋結成蜃氣還相望錯認儂家百尺樓

赭山與紹興龕山相對是爲海門河莊山在其北鹽官海中亦有蜃市越王起百尺樓以觀海今廢余擬

結樓於海濱仍顏舊名

卜宅營巢署信天巖門山水自依然空憐對酒清明句
誰向西湖拜墓田

先鞠澗處士嘗愛巖門山水因家焉自題所居曰信
天巢有集二十卷其清明對酒詩尤膾炙人口卒葬
葛嶺之譚家山墓久失攷按湖山便覽菊薌墓卽菊
澗之誤正如杜拾遺誤十姨也

曉起南樓照鏡備雙眉却對兩尖峯只嫌帽子山頭戴
爲雨爲雲愁殺儂

按咸淳志止有尖山無大小之分今人有舉尖山分

新坂土風

五

小大屬對終無能對者其山出雲必雨諺云尖山戴
帽

啞聲南北客須諳海味偏教久住甘見說黃魚新入市
冷炎滋味任郎參

土人謂潮聲曰海啞諺云南啞風北啞雨唐耿漳詩
潮聲偏懼初來客海味惟甘久住人石首魚俗名黃
魚皆從宜波販至以冰實魚腹謂之冰鱸味乃不變
無冰者謂之火鱸

梁家墩上望郎回處處翻成白浪堆網得鮮魚休賣去
當年曾膳大官來

崇禎元年海嘯之變許淮陽稚則有海飛篇紀其事
又哀籲當事爲民請命有築塘末議嘗偕二者民任
督修海塘十二里自小尖山至梁家墩躬親版築時
中丞陸公完學觀察王公建和以勘海災至淮陽陪
行海上治飯以款二公器不踰五適海上居民網得
魚烹鱸以進陸公曰胡爲踰約曰此小民饗公祖者
因喜立盡一器見許全可淮陽先生遺事

新舊鹽倉堆接檐烏金那得黃金兼鹹塘一帶楊花落
莫向空中擬撒鹽

新倉舊倉俱屯鹽之所新倉有烏金衙舊倉有黃金

新坂土風

六

衙

十二橋頭映碧漣小桐溪上足留連綠蓑青箬烟波客
細雨東風書畫船

新倉一名小桐溪吳上舍兔床嘗駕一舟載書百卷
往來溪橋漁汊間作詩云十二橋南烟舍第三灣口
漁翁青箬綠蓑歸去桃花細雨東風好事者往往於
紈扇上傳諸畫圖謂之桃花扇兔床更以細雨東風
顏其舟云

小年朝候好春光滿把名香上海航駕柁轉舫憑老大
香帆一夜到蓮洋

俗以正月初三日爲小年朝凡往南海進香者俱於是日起程嘉禾以北由吾邑入海者甚多把柁者呼爲老大蓮花洋在鎮海界相傳大士現身處

燕子來時晝下簾家家門外柳纖纖明朝好把蠶花浥
第一須藏白草鹽

俗於春時必先取蠶子浥於鹽水中謂之鹽浥吾地產鹽最上者有白草鹽陶宏景藥總訣凡藏繭必須用鹽官鹽

萬花穠處萬花塘士女春燒十廟香不管尖山山路險
下山還欲拜孃孃

新坂土風

七

新塘一稱萬花塘春時婦女逢廟進香謂燒十廟香孃孃廟在尖山下土人於此祈子往往靈驗

猶記花邊滿綠波與郎同載浪船過自從一月歸盍後
又怕三眠禁忌多

花邊堰在袁花西浪船船首及四傍皆采畫鄉里取婦多用之蠶月人家閉戶不相往來夫壻亦居外室
朱日觀采桑詞何勞五馬頻相過怕犯蠶花不上牀
東村西舍盡飛花小婦春來興不賒才過清明三日肉
又嘗立夏七家茶

俗於寒食祀神祖後全家以酒相勞爲育蠶計諺云

三日清明四日年又云清明三塊肉譬如不清明立
夏日以諸果品雜置茗椀親鄰彼此餽送名曰七家
茶

僧舍河梁取次添野祠低小接茅簷水車輻板村村挂
桑葉招牌處處粘

鄉間多作矮屋祀五通神家伯改之嘗集四書字作
一聯云方里割雞三日肉卑宮畫墁五人圖村民鬻
腐者以車輻標於林表

縑絲人在綠窗中姑惡飛鳴滿樹叢惟底紅蠶偏妬豔
作來繭子也同功

新坂土風

六

姑惡鳥名蠶月最多兩蠶合成一繭謂之同功蘇松
間多來收買

梓花開過棟花開聽唱山歌日幾回五月新絲今好賣
大家沽酒發黃梅

查東山有山歌數十首里人至今多能唱之芒種前
後鄉人各具酒肉祀田祖謂之發黃梅必聚飲而後
種苗

野水爭流上下塘秀萋時節草初長兒童底事場間鬧
拍手齊呼王蚨蜋

村中小兒於三四月間競以狗尾草刺地穴中戲以

手撫地曰小狗出來既見草動則釣出赤色小蟲形似蜘蛛俗稱釣小狗此與唐劉崇遠金華子所載長安閭里小兒釣顛當無異爾雅王蚨蜋郭景純注云卽螿蟪似蠶在穴中有蓋今河北人呼蚨蜋邢叔明疏云此蠶之一種也穴居布網穴口楊升庵云小兒呼顛當卽蚨蟪音之反也螿蟪也蚨蜋顛當也字不同耳江南小兒謂之釣駱駝其蟲之背有若駝峯也今所謂小狗者殆亦因其形似歟又按狗尾草卽萋詩云四月秀萋不榮而實曰秀

西翠朝來映采霞北窗風至捲銀紗日長炙輶應消渴
新坂土風
九
笑劈陳安寺裡瓜

西翠樓郭子振建見貝清江集北窗炙輶錄施彥執編向有刻本頗多脫畧吾友鮑綠飲近得善本重校刊正始無遺憾邑西陳安寺產西瓜最美
村邊蟹舍接魚莊載得全家唱晚涼一歲一回城裏去
半緣禮佛半輸糧

吾鄉漁戶於每歲六月廿九日入邑納魚稅每舟約以三錢爲額尙須細攷之他處亦不知同期否也見查浦輯聞按他處納魚稅本不拘時惟吾邑則以安國寺進香之日爲期

金風初帶桂香飄鄰女相邀去看潮只恐魚龍多寂寞
秋來海色爲誰驕

八月十八日俗傳潮生辰男婦往觀甚眾海色晝如
空夜如合春如進冬如歸夏秋如驕日海平雪海深
雨海悲風海怒月海樂見外志

少婦溪頭感索居鳴機聲隔夜窗疎自從翻得新紬樣
北寺西山總不如

繇紬出安國寺者佳出硤石寺者更佳往時一令取
之無度於其售也且抽稅焉寺僧遂相約但官長問
卽曰杼軸已空無復織者非密購不得見宣志備攷

新坂土風

三

祝紬產袁花以祝氏所織得名

滿載紅菱來硤石傾筐青豆出袁花阿儂鄉味從來好
何事狂夫不憶家

邑產菱芰其名目種類不一凡賣者皆集硤石菱蕩
灣蠶豆以袁花相近產者爲上名曰袁花青

六塘四鎮盡夷猶蟋蟀聲殘草圃秋猶有金錢揮未了
前街再去鬪黃頭

蟋蟀產淡塘以北爲最名草圃子黃頭鳥性善鬪洛
塘南落蘇橋里許所產佳有名金帶黃頭尤趨健

九日遙登顧况臺市中桂露醱新醅更饒入饌鸚哥觜

好賞文犀舊酒盃

顧况讀書臺在沈山下市中以桂花釀酒名桂露海
[宜]人皆喜食蟊螟名曰鸚哥觜以其極紅者似之故
也見輟耕錄宋犀杯許稚則得之淮陽盃有紹興年
號因系以銘爲六只居士之一傳爲宗器家乾初集
有賀許欲爾宋犀盃兩次遇盜不失詩

內樂村邊烟樹微農人笑語荷鋤歸野禾自傍家禾熟
白雀還隨黃雀飛

永明元年鹽官內樂村木連理見南齊書元嘉二十
三年鹽官縣野稻自生三十許種二十四年白雀產

新坂土風

三

鹽官民家並見宋書顧歡家貧父使田中驅雀歡作
黃雀賦而歸雀食稻過半父怒欲撻之見賦乃止見

南史

林間浣女俯清池野外疎花護短籬又是試裘天氣近
隔村喚過賣羊皮

山羊皮產袁花遇秋時出者佳謂之秋皮輕而且滑
不減銀鼠遠地多求購之北人呼爲南滑子皮

村姑從不御鉛華多紡棉紗少績麻記得踏青山寺轉
當頭個個插蠶花

邑諸鄉俱業木棉紗布而大布水紗布其產尤廣舊

志雖列苧麻黃草等布然近時業此者鮮春時村中
游女入市必買紙花各簪頭上謂之蠶花

歲時執豕更烹羊鄉曲聊爲盡一觴不用食單誇大戶
只須包紫費厨孃

許稚則著食譜載鄉味甚備吳樵石有食經俗以豬
頭肉煮後細切加以香料仍取其皮包固壓以重物
踰時取食名包豬頭又以羊肉細切嚮之裹以羊皮
紮好如筒煮熟片食名紮羊肉他處所無鄉里宴客
有方語云包紫醃乾海謂包豬頭紮羊肉醃魚乾鰕
海螯皆土產也

新坂土風

三

典禮已無談子學碑銘更乏沈郎才鄉邦文獻何從証
且作春燈啞謎猜

談處士孺木著海昌外志蒐輯甚詳沈員外南泉於
邑之名蹟碑記殆遍施徵士蘭垞嘗取諸名勝作絕
句詩每句猜四書人名

仙子凌波何處求錢山山下水悠悠吟魂當日應來往
一道天泉月自流

錢山產水仙花見名勝志顧石帆有題錢山水仙詩
董蘿石性好吟放浪山林臨歿自吟日自知此去無
些染一道天泉月自流見仰山脞錄

梅枝香冷意難降幽語多傳玉女牕無復慈雲迴曉閣
獨留花月映春江

族祖姑適曹盈素著餘生集女蔚文有梅花詩早歿
葛南有朱日觀室著玉牕遺稿女芬亦工詩族祖母
朱恭人虔齋有慈雲閣詩存沈安人十洲有花月聯
珠集

仙梵清涼半竹梧茶烟鐘磬淡相娛九庵十廟城中徧
得似鐙萱著錄無

邑中尼菴最多所謂九庵十廟查東山妾蔣氏名宜
公沒後出家爲尼號鐙萱大師著有悟真語錄見查

新坂土風

三

氏族譜

撥鹽船自運塘開時有江南估客來莫把鹽官更倒置
求書須假法王臺

運塘河卽上塘河運路見方輿記要范文白工書一
估人嘗以厚幣索書官鹽招牌不得因復請書鹽官
道場住持五百大阿羅漢扁額許之於是鉤出鹽官
二字倒用之今額尙懸安國寺羅漢堂中

憶昔朱門顧曲頻女郎風調各超倫只愁畫手無前輩
玉面何人爲寫真

家搗謙工詩有寄齋詩鈔家伎昭郎慶郎六郎見陸

辛齋集周斌侯善畫士女有南唐小周后像見敬業堂集俞體仁工寫真嘗爲尤西堂作夢遊三山圖見艮齋倦藁祝儀文善寫照雜工山水諸品祝松如善寫照得謝彬三昧朱曰可善山水有別致朱晉三善人物見續圖繪寶鑑

調脂滴露費商量却向瑤臺伴曉妝若准閨中當日例應將郎貌刻沈香

葛光祿介龕兼善畫妾李是菴工花鳥得陳白陽法嘗刻沉香爲白陽像奉之見畫徵錄

池上軒頭一撫絃海天雲樹正茫然可知流水高山調

新坂土風

古

都付緇流羽客傳

池上軒在延恩寺吳閭徐而菴籃輿過此宿蘇公聽琴處因題其室張伯雨一琴名風林奉真道院金萬方善彈琴杭太史堇浦有贈詩見修川集

名帖雙鉤愛玉煙蕭郎終日費精研春輝箋紙松喬墨多自書家親手傳

家光祿增城與董華亭交最深嘗刻玉煙堂法帖又鑒定古法書刻渤海藏真俱盛行於世家侍郎匏廬自造春輝堂紙楊中允晚硯自造松喬堂墨二公俱工書法

蓮花經卷墨光新貝葉摹來幾亂真付與楮先生一笑
恐教金粟是前身

董華亭小楷蓮華經亦玉煙堂刻石邑人倣金粟山
藏經紙最精其法用綿紙作經面照式寫之再用二
層紙作背以蠟研之納諸米廩中其色遂舊與陳米
相等間有爲米蟲所蛀竟可亂真

斑管銀毫製甚精畫眉深淺見郎情何人更譜中山族
毛穎由來出管城

造筆羊毛硃石爲第一見戒菴漫筆今吳興筆工多
來收買吳王夫差築何晏管萱四城以禦越管城屬

新坂土風

五

鹽官見至元嘉禾志

吳中曾說紙爲田絕倒操觚諸少年却笑東家堅守鐵
費將精力幾時穿

邑人造紙硯甚輕便操觚家每喜用之余家藏一鐵
硯

黃絹新詞試雜陳吳由好事更無論憑誰書就簪花格
付與城中劊劊人

吳上舍兔床嘗刻海昌閨秀集北寺巷程氏世傳劊
劊之業兼精雙鉤摹勒之法古今法書出其手刻甚
多吳門陸山人貫夫撰鐫碑姓氏錄此可以入之

阿儂家近狀元臺小閣疎窗面面開昨夜河頭新水長
書船多是雪溪來

無垢書臺在真如寺五世祖腹貞公讀書於此有句
云處士山中花更好狀元臺上月空明邑中無書肆
惟有茗賈書船

生來薄命最關情連理枝頭歲月更惟有南樓一片月
淒涼還與證三生

家相國素菴嘗著命理約言舊居在小桐溪今惟南
樓尙存又嘗得拙政園別業於吳門園有連理山茶
一樹多名人題詠謫居遼左時至一菴見其榜額

新坂土風

三

亡號適同心竊異之有僧謂曰公前身卽是菴僧也
後果終戍所長子孝廉直方自知四世事見徐岳見
聞錄

踏青遊女盡追歡太歲祠前一度看安得更來逢日者
問郎何日得高官

范文園善相術邑中有隙地或塑太歲范以爲威儀
具足應享巍峩未幾遂成巨剝見今世說按太歲當
卽崔府君廟之太歲殿每歲迎春時遊人最盛又文
園嘗謂武進周清原吳江徐鉞皆當不由科第入翰
林已未果皆以博學鴻詞授檢討其言良驗見池北

偶談

清游畫舫好携樽金鼓喧闐出遠村見說長安諸子弟
至今解唱女崑崙

女崑崙傳奇一名畫圖圓又名乾坤鏡明人所作蓋
指長安鎮進士梅文正事梅有婢女壽春能救主母
難故曰女崑崙

稗官新調數江鄉酒市茶寮總設場試取琵琶彈故事
居人猶是怨張郎

邑人善唱鼓兒詞時稱海_寧調其唱本有名漁簡記
者指昔時土豪張堂誣陷何東橋事梨園中人亦能

新坂土風

七

演之相傳張之宅址在演武場

修川直下郭溪東隔岸鶯啼楊柳風水面平橋三十六
虹蜺多落夕陽中

修川卽長安舊名見陸講山集祝耳劉泮江塘記畧
云治其故所建三十六橋如虹如蜺縣亘起伏
村連阜莢樹多迷水繞菖蒲草自齊買得圈蓬船最好
近遊不怕板橋低

阜莢橋菖蒲港在袁花西並見敬業堂集朱竹垞積
雨詩欲覓袁花查上舍但愁橫漲板橋妨上舍謂查
浦又西峻送查浦詩圈蓬船互拏無事數相見

肇家橋下水奔流野樹蒼茫古屋秋父老還能徵舊德
村邊遙指望烟樓

肇家橋卽趙家橋因先世起家於此故更斯名從祖
南竹公世稱善人嘉靖間邑令嘗書隱德二字以表
其居至今尙存子風山公亦好善樂施會歲饑築望
烟樓有不克舉炊者亟輸之

祖墳南去是新墳石馬豐碑對晚曛取次春秋佳日裏
梅魂桂魄迥清芬

始祖東園公墓在鳳岡澗世稱檀樹坟族祖謝侯公
墓在始祖墓南故稱新墳墳中多植梅樹桂樹內有

新坂土風

天

消梅一株尤佳

書聲遠度鳳凰岡叢桂長連霜柏香最是孫枝承美蔭
更開小憩署臨塘

叢桂堂六世祖覺庵公築高叔祖補菴公手植霜柏
在堂之右再傳至臨塘叔祖博學工書能世其業因
所居近道人塘題其室曰臨塘小憩

綠楊灣裏綠楊圍烏鵲門頭烏鵲飛把酒論文懷北道
草堂春雨掩重扉

楊灣鵲門皆族中所居與鳳岡埧相近家叔問渠嘗
擬購一草堂顏曰春雨

樸下莊臨古坵隅蒼筤萬箇盡堪娛
摩娑老眼傳經處
自向晴窗展畫圖

予家坵上樸樹灣先祖故以西樸自號
蒼筤圃在舍後額爲許淮陽舊題家君有溪齋讀書圖膠西法黃裳作沈荻林先生有題詩

南泛花溪北硤川
櫂歌聲在罽泥船
儂今自有朱餘曲
不羨吳孃唱采蓮

村中小船名罽泥船朱餘者越鹽官也
越人謂鹽曰餘去縣三十五里見越絕書

新坂土風

五

新坂土風終

